

Datum: 12.06.2020.

Broj: 02-119-01-I-3/20

**Vijeće ministara Bosne i Hercegovine
Trg BiH br. 1
n/r – gosp. Zoran Tegeltija, predsjedavajući VM**

PREDMET: Otvoreno pismo

Poštovani,

Obraćamo Vam se povodom činjenice da iako je Predstavnički dom Parlamentarne skupštine BiH 16. januara 2020. godine donio Zaključak po kojem traži od Vijeća ministara BiH da u roku od 90 dana dostavi nacrt novog Zakona o sukobu interesa BiH, isti nije još uvijek dostavljen u proceduru. Naime, Prijedlog Zakona o sukobu interesa BiH je bio na dnevnom redu 3. redovne sjednice Predstavničkog doma PS BiH, ali umjesto izjašnjavanja o Prijedlogu zakona, Predstavnički dom PS BiH je donio Zaključak po kojem traži od Vijeća ministara BiH da u roku od 90 dana dostavi novi nacrt Zakona.

Transparency International u BiH, u saradnji sa međunarodnim organizacijama u Bosni i Hercegovini, je učestvovao u izradi i podržao izradu pomenutog Prijedloga zakona, jer on predstavlja jedan od ključnih mehanizama za prevenciju korupcije u Bosni i Hercegovini. Trenutno zakonsko rješenje koje tretira pitanje sukoba interesa ne posjeduje dovoljno mehanizama za adekvatno upravljanje sukobom interesa, posebno u pogledu nezavisnosti tijela koje ima nadležnost da utvrđuje sukob interesa, te nije u skladu sa relevantnim međunarodnim standardima. Podsjećamo da posljednji izvještaj Grupe zemalja za borbu protiv korupcije Vijeća Europe (GRECO) konstatuje da trenutno ne postoji kredibilan i nezavisan mehanizam koji se bavi pitanjima sukoba interesa, te da su neophodne hitne izmjene u ovoj oblasti, jer preporuke GRECO nisu ispunjene.

Pored toga, pitanje unapređenje zakona iz oblasti sukoba interesa jedan je od 14 ključnih prioriteta u Mišljenju Evropske komisije o aplikaciji Bosne i Hercegovine za članstvo u Evropskoj uniji.

Uzimajući u obzir činjenicu da je rok od 90 dana za pripremu Prijedloga zakona o sukobu interesa istekao u aprilu mjesecu 2020. godine, te da isti nije dostavljen Predstavničkom domu Parlamentarne skupštine BiH, molimo Vas da nam dostavite informacije o trenutnim aktivnostima na izradi Nacrta Zakona o sukobu interesa, te apelujemo na Vijeće ministara da postupi po Zaključku Parlamentarne skupštine BiH i uputi Prijedlog zakona o sukobu interesa u parlamentarnu proceduru.

Transparency International u BiH smatra da donošenje novog Zakona o sukobu interesa predstavlja jedan od glavnih prioriteta u ovom momentu, posebno uzimajući u obzir da Komisija za odlučivanje o sukobu interesa nije održavala sjednice niti donosila odluke već više od dvije godine, te time nije ni odlučivala o predmetima sukoba interesa, što dovodi do štetnih posljedica po integritet institucija BiH i dovodi do značajnog nazatka u sprečavanju korupcije.


Udruženje za borbu protiv korupcije Transparency International u BiH
Reg. No. UP08-07-1-616/11, Ministarstvo pravde BiH, Sarajevo

Sjedište: Gajeva 2, 78000 Banja Luka, Tel/Fax +387 51 216 369, 216 928, 224 521, 224 520
Poslovnica: Mula Mustafe Bašeskije 9/1, 71000 Sarajevo, Tel +387 33 220 049, Fax +387 33 220 047
E-mail: info@ti-bih.org
Web: www.ti-bih.org

Takođe, apelujemo na Vijeće ministara i nadležno ministarstvo da proces izrade nacрта otvori za javnost, omogući javnu raspravu, te uključi sve relevantne domaće i međunarodne organizacije, kao i ekspertsku javnost, kako bi se došlo do što kvalitetnijeg rješenja koje će unaprijediti mehanizme sprečavanja korupcije i unaprijediti integritet institucija BiH.

U prilogu Vam dostavljamo i već razmatrani Prijedlog Zakona o sukobu interesa BiH, koji su podržale sve relevantne međunarodne institucije, uključujući EU, OSCE i GRECO, te se nadamo da će principi sadržani u ovom Prijedlogu biti osnova pri izradi novog Nacrta.

S poštovanjem,



Ivana Korajlić

Izvršni direktor

Transparency International u BiH